



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Flores Directorii Inqvisitorvm**

**Bariola, Luigi**

**Mediolani, 1625**

Consilivm Trigesimvmprimvm.

**urn:nbn:de:hbz:466:1-11434**

## CONSILIVM TRIGESIMVM PRIMVM

**N** Laicus Mediolanensis annum agens vigesimum quintum, & in famulatu Episcopi Aptensis Galliae Narbonensis existens per biennium, habitum Religionis Sancti Francisci Conventualium in Monasterium Ciuitatis illius assumpsit, cum licentia Commissarij generalis illius Prouinciæ die 17. Ianuarij 1601. & Is ibidem uti Frater illius ordinis ad ordines fuit promotus scilicet die 17. Martij ad primam Tonsuram, & quatuor minores ab Episcopo Aptensi, ad Subdiaconatum die 7. Aprilis ab Episcopo Minamenti, sed absq; titulo aut professione, ad Diaconatum die 21. Aprilis ab Episcopo Agatensi, Episcopis ultra montes, & Gallicanæ Prouinciæ, at Augustæ Prætoriæ intra montes ab Episcopo 22. Decembris eodem anno ad Præbiteratum fuit item promotus pariter sine titulo, & professione, postea statim Sacrorum ordinum functiones libere exercuit in habitu memorato manens, nulla tamen vnquam emissa professione perseuerans in seruitio præf. Episcopi Aptensis vsque ad eius mortem, quo in Italiam venit. Vltorius anno 1603. die primo Februarij cum in Hiporediensem Ciuitatem venisset, & ad Conuentum Fratrum suorum se præsentasset sub prætextu Decreti Apostolici ne in Monasterijs citrà montes reciperentur ij etiam Itali, qui ultra montes Religionis habitum suscepissent, à Guardiano Conuentus non fuisset receptus, ea attentâ licentia ibi dimisit habitum Guardiano acceptanti, & habitum clerici secularis assumpsit datis à Guardiano superinde litteris testimonialibus in forma.

Tandē ab Episcopo Hiporediensi habens litteras

dis

Dimissoriales attestantes esse Sacerdotem ritè promotum, & bonis moribus datas primo Martij 1604. Mediolanum redijt vbi tanquam Sacerdos Secularis fuit receptus, & prouisus duplici beneficio, ex quibus habet vnde sufficienter viuat.

Nunc dubitatur, an fuerit ritè promotus, an suspensus, an irregularis, an malè prouisus de beneficijs.

Ratio dubitandi ea est, quia fuit promotus ad Sacros ordines non prius emissa professione, & absq; vilo titulo patrimonij, aut beneficij, & ab Episcopo alieno contra dispositionem S. Conc. Trid. Sess. 21. c. 2. extensam ad Regulares per Constitutionem Pij V. quæ incipit Romanus Pontifex publicat. Id. Octob. 1568. apud Quarantam in verbo Ordo, maxime recepta eorum sententia qui tenent Conciliū innouare pœnas antiquorum Canonum scilicet c. neminem, & c. Sanctorum 70. distinct.

Verum ad Concilium, & Constitutionem Pij V. dicebatur non esse receptam in Gallia, & dispositionem c. neminem, & c. Sanctorum esse moderatam per c. cum secundum de præbend. & Concilium non innouare dictos antiquos Can. sed solum c. cum secundum de præbend.

Replicari tamen potest non probari eam Cōstit. non fuisse receptam in Regno Gallia saltem apud Regulares, & non valere argumentum non est receptum Concilium, quod verum supponitur, ergo nec ea constitutio licet habeat eam relationem ad Concilium. Item Conc. non esse quidem receptum quoad Gallos non quoad Italos illuc diuertentes ad Ordines, aliter esset locus fraudibus. Item hunc esse ordinatum ad Sacerdotium Augustæ Prætoria vbi, & Conc. & Constitutio vigent. Videatur om-

nino ea Constitutio, quæ est fundamentum huius dubitationis, & pro veritate in foro exteriori consulatur.

*Secundum responsum.*

**N** Regularis, nec est suspensus ab Ordinum executione, nec est irregularis: ratio est, quia ordinatus ab Episcopo sciente illum non habere titulum patrimonij, aut beneficij, nulla suspensione ligatur. Steffanus Quaranta in summa bullarij v. Ordo, & eo magis quando fuit ordinatus ab Episcopo sine pacto, & sine fallacijs. Mart. Bonacina de Sacramentis, disp. 8. q. vnica, puncto 5. n. 24. post Mart. Nauar. in Man. cap. 27. n. 158.

Neque obstat Bulla Pij V. Romanus Pontifex &c. quam refert ad literam. Quaranta loco præcitato, quia bulla non loquitur de Regularibus omnibus, sed de Clericis Regularibus tantum, & præcipue de ijs, qui, vel numquam, vel nisi ad certum tempus professionem emittunt, & ex Claustro liberè dimittuntur, vel exeunt, prout fit apud Clericos Regulares Iesuitas, cuiusmodi non sunt Franciscani prout cantat casus propositus, nec dictum istud aliquam erigit probationem cum verba bullæ sint nimis clara, & aperta, & huius sententiæ videtur fuisse Pater Sanch. in Decal. lib. 4. c. 39. n. 19. 20. 21. vbi docet Nouitium Religiosum sacris ordinibus initiari posse, cum litteris dimissorijs tamen Episcopi originis, vel habitationis, nec vllam mentionem ibidem facit huius Bullæ Pij V. quam tamen fecisset si per Bullam ipsam Religiosi omnes ligarentur, & non soli Clerici Religiosi, & ideo dicendum est. N. sic

Dd

ordina-

ordinatum, nec suspensionem, nec irregularitatis maculam contraxisse &c. & ita fuit decisum in sacra Congregatione Penitentiariae Mediol. die 6. Maij 1622.

CONSILIVM TRIGESIMVMSECVNDVM.

**A**N Censurae in Concilijs Prouincialibus, aut Synodalibus per Ordinarios locorum promulgatae, ligent etiam Regulares, praesertim quando Concilia non fuerunt per Sedem Apostolicam confirmata.

**P**ARS negatiua uti communior, ita verior omnibus ferè semper visa est, quia Episcopi non possunt Iure ordinario ligare Regulares censuris, cum eorum Ordinarius sit proprius Praelatus, vel Superior iurisdictionem Ordinariam in illos exercendo. Capitulum ab Ecclesiae Praelatis. De officio Ordinarij, & finali, C. de Iurisdictione. omn. iud. Nauar. consil. 22. de tempor. Ordinat. Neque iurisdictione delegata possunt in Regulares animaduertere, quia talis auctoritas competit eis, aut Iure nouo, aut iure antiquo. Non antiquo siquidem in cap. Cum capella. C. Quanto, & cap. Quoniam de Priuilegijs, interdicitur Episcopis, ne censuras contra Regulares promulgare possint. Non Iure nouo, quoniam tale quid non reperitur in Concilio Tridentino, nam sess. 25. Concil. fusè de Regularibus agit, nec tamen Episcopis aliquando indulgetur, ut censuras contra Regulares exercere possint. Nec dicendum hoc illis tamquam Sedis Apostolicae delegatis executoribus competere, quia eadem sess. 25. cap. 24. praecipitur Generalibus, Abbatibus, Praepositis, Prioribus, & Regularium Superioribus,

non